

ՀԱՐՈՒԹՅՈՒՆ

Քրիստոս հարյալ... երկինք գնաց,
 Երկրում թողեց պատվերներ.
 Բայց պատվերը գրքում մնաց,
 Եվ աշխարհքը հեծում է դեռ:

5 Դեռ կուրացած ժանգ արծաթից՝
 Մատնություններ են անում,
 Եվ փախչելով արդար դատից՝
 Միշտ ձեռքերն են լվանում:

Ապտակում են դեռ ծաղրելով
 10 Անմեղության ճակատին,
 Եվ հարության օր տոնելով՝
 Խաչ են հանում ճշմարտին:

Ո՛հ, կարճամիտ անզգամներ,
 Դրանք այսօր կըմեռնեն,
 15 Բայց վաղը ձեր փոշու վրա
 Նոր փառքերով կըհառնեն: